

大乘百法明門論

天親菩薩造

唐三藏法師玄奘奉 詔譯



南無本師釋迦牟尼佛

說明

本繁體校正版《大乘百法明門論》電子書，根據《乾隆大藏經》大乘論，第 1206 部，天親菩薩造、唐三藏法師玄奘譯《大乘百法明門論》原藏影印本校正，句讀僅供參考。

本電子書是免費結緣品。特此說明。

仁慧草堂

二〇一九年三月



扫码关注仁慧草堂微信公众号

大乘百法明門論

本事分中
略錄名數

天親菩薩造

唐三藏法師玄奘奉 詔譯¹

如世尊言，一切法無我。何等一切法？云何為無我？一切法者，略有五種：一者，心法；二者，心所有法；三者，色法；四者，心不相應行法；五者，無為法。

一切最勝故 與此相應故 二所現影故
三²位差別故 四所顯示故

如是次第。第一心法，略有³八種：一、眼識；二、耳識；三、鼻識；四、舌識；五、身識；六、意識；七、末那識；八、阿賴耶識。

第二心所有法，略有五十一種，分為六位：一、遍行有五；二、別境有五；三、善有十一；四、煩惱有六；五、隨煩惱有二十；六、不定有四。一遍行五者，一、作意；二、觸；三、受；四、想；五、思。二別境五者，一、欲；二、勝解；三、念；四、定；五、慧。三善十一者，一、

¹ 大正藏：大唐三藏法師玄奘

² 大正藏：三分；永樂北藏及龍藏：三

³ 大正藏：有；永樂北藏及龍藏：略有

信；二、精進；三、慚；四、愧；五、無貪；六、無嗔；七、無癡；八、輕安；九、不放逸；十、捨⁴；十一、不害。四煩惱六者，一、貪；二、嗔；三、慢；四、無明；五、疑；六、不正見；五隨煩惱二十者，一、忿；二、恨；三、惱；四、覆；五、誑；六、諂；七、憍；八、害；九、嫉；十、慳；十一、無慚；十二、無愧；十三、不信；十四、懈怠；十五、放逸；十六、昏沈；十七、掉舉；十八、失念；十九、不正知；二十、散亂。六不定四者，一、睡眠；二、惡作；三、尋；四、伺。

第三色法，略有十一種：一、眼；二、耳；三、鼻；四、舌；五、身；六、色；七、聲；八、香；九、味；十、觸；十一、法處所攝色。

第四心不相應行法，略有二十四種：一、得；二、命根；三、眾同分；四、異生性；五、無想定；六、滅盡定；七、無想報；八、名身；九、句身；十、文身；十一、生；十二、老；十三、住；十四、無常；十五、流轉；十六、定異；十七、相應；十八、勢速；十九、次第；二十、時

⁴ 大正藏：行捨；永樂北藏及龍藏：捨

⁵；二十一、方⁶；二十二、數；二十三、和合性；二十四、不合⁷性。

第五無為法者，略有六種：一、虛空無為；二、擇滅無為；三、非擇滅無為；四、不動滅無為；五、想受滅無為；六、真如無為。

言無我者，略有二種：一、補特伽羅無我；二、法無我。

大乘百法明門論

⁵ 大正藏：方；永樂北藏及龍藏：時

⁶ 大正藏：時；永樂北藏及龍藏：方

⁷ 大正藏：和合；永樂北藏及龍藏：合

南无护法韦驮尊天菩萨



此咒置经书中可灭误跨之罪